

小說名畫大觀

玖



偵探小說

十四種





匕首

半儂

偵探小說。來自西洋。類皆鉤心鬪角。奇巧驚人。惟中西社會之狀態不同。故閱者每多隔閡。數年前。見某書局出版之中國偵探談。搜集中國古今類於偵探之故實。以及父老之傳聞。彙為一編。都百數十則。則僅一二百言。長者亦不過千言。雖其間不無可取。而浮泛者太多。事涉迷信者。更不一而足。未足與言偵探也。後又見陽湖呂俠所著之中國女偵探。內容三案。均怪誕離奇。得未曾有。顧呂本書生於社會之真相。初不甚了了。故其書奇誠奇矣。而實與社會之實況左。用供文人學士之賞玩。未嘗不可。若言偵探。則猶未也。故謂中國無偵探小說。不可謂過當語。半不學。小說尚不足言。遑論偵探。特天性好奇。舉凡西洋各偵探小說。每思所以涉獵之。無事恆手一編。而對於我國中流以下之社會之心理及舉動。考察尤力。即通人達士之斥為三教九流而不屑與交者。亦無不待之以禮。惟不為其同化而已。故知我者。謂為入虎穴以探其子。不知我者。且斥我為自儕於下流。我國莫之或恤也。癸丑之夏。日長無事。因就數年來之所知。筆而出之。其中或屬耳聞。或為目覩。且有躬自嘗試者。故實事居其大半。即畧加點綴。亦以不背我國之社

會為旨。研究偵探者。其亦引為同調乎。

江浙間。有所謂航船者。恆往來於數十里或百餘里之市集。載貨載客。取值絕廉。通常艙位。行百里者。僅取錢百二十。故圖省錢者。恆樂就之。顧其船狹窄。殊甚。長約三四丈。寬半丈許。下艙頗大。可容貨數百石。上艙低平。高不滿三尺。搭客可卧可坐。而不可立。客多時。甚且坐卧不安。客夏。余自北旋。道出無錫。錫距吾家可百里。有小輪為之交通。日往返一次。余抵錫時。小輪已開。因思家心切。不耐遲至明日。不得已。附航船以行。船側體面。客可坐。房艙。值較通艙為倍。余意房艙必寬敞安適。乃入艙後。大出意外。房艙與客艙。相隔僅一欄。欄內之面積。僅二十平方尺。計空氣之容積。至多不過六十立方尺。艙有六客。均計之。人得空氣十尺。故呼吸促迫。身體之不自由。直較死為尤甚。余倚艙壁而坐。足不能直伸。伸則他客之詬譟聲立至。故止能蜷曲其體。雙手抱膝。全身作N字形。且艙內幽暗異常。壁蝨時出。嚙人。嚙則肌膚隆然而起。有類新焙之麪包。他客身藏之。蠅蠹。恆往來飛舞於空氣中。旋乃一一過渡於余身。瘡不可耐。陰念彼骯髒客。既懷此異實。胡不自享而享他人。斯誠愚矣。艙無空隙。客之吐痰者。恆向艙壁。壁際淋淋然。偶觸以手。黏膩令人作三日惡。而人既眾多。則紙烟臭。汗酸臭。脚臭。腋臭。霉腐臭。魚腥臭。食物之發酵臭。艙下貨物之陳宿臭。以及種種不可名狀之怪臭。咸氤氲混雜於空氣中。試思船小如許。既載若干人與貨。復載若

于是小而多容。誠不可思議也。斯時余作何狀。余不自知。冀或不悶斃於船。已屬大幸。惟有默禱上帝。佑我歸家。作養病計耳。然余本無病。所以病者。此船之賜也。船行以夜。日入。然牛油燭一支。燭盡啟船。以物質文明之二十世紀。以四千年古國之中國人。以江蘇開化最早之無錫。而猶舍鐘表而不用。用此野蠻時代之記時法。中國人好古之特性。豈世界各國所能及。是日燭垂盡矣。舟子正準備啟旋。忽岸上有高呼者曰。少待少待。其音鬆而粗。似是老者。舟子曰。汝老王耶。趣登趣登。今晚釘頭順。一船家謂逆風為釘頭順。順風為釘梢順。舟行遲。不能久待。曰。余尚未晚餐。去去即來。遂寂然。

舟中各客。聞老王名。咸欣欣然有喜色。謂老王來。則岑寂可破。老王者。王其姓。佚名。人以其老。僉稱之曰老王。幼即以緝捕名。縣官遇巨案。莫不老王是賴。王以是起家。家與余同里。故余幼即耳其名。特以歷年奔走。丐食四方。未嘗識面。然每聞父老言。老王不知書。而思索力絕強。其腦筋之細。雖質學家亦自嘆弗如。王貌寢長。不滿四尺。行於市。聳聳然如猴。兒童恆稱之為黃猴。顧其兩臂之力。絕鉅。能辟易壯夫五六人。且能操木。以是得出入於盜窟而無害。未幾。老王登舟。亦擠入房艙中。艙益覺狹窄。余厭惡特甚。然以其為老王也。亦安之。審其貌。誠令人失笑。彼劇場中之飾孫行者者。自以為肖猴也。脫有老王在。則彼之肖。將一變而為不肖。未幾。舟啟行。水聲潺

然。雜以船家之推梢扳梢聲。（兩舟相遇。必先遠遠招呼。以防抵觸。推梢者。謂各走左首也。扳梢則各走右首。）聲頗喧鬧。而舟人多不之審。目有所視。視老王耳有所聽。聽老王。老王持烟斗。舞手畫足。口滔滔如懸河。余之靈魂。早隨老王之言以俱去。余本好潔。今則老王之唾涎。濺吾臉。亦不覺矣。

老王之言曰。余業捕快久。破獲以百數。今為諸君說捕快。正如一部十七史。不知從何處說起。今日乘舟。即講舟中事可乎。僉曰善。（以下均老王之言。）老王曰。五年前。余以事之錫。僱一底子。（底子者。船也。此係捕快家及下流社會之切語。研究偵探者。不可不知。下同。）時洋機子。（切語謂輪船。）尚未有也。天甫破曉。船出河口。見岸上有一人。以門門挑兩包裹。匆促前行。因思鄉人趕早市。每以四五時起。此固無足怪。惟入市必與貨俱。或為柴。或為米。或為菜蔬。若入市買物。則不必如此早。至八九時。猶為未遲。然鄉人赴城省其戚串時。亦往往挈包裹。城距此凡十八里。以四五時往。六七時至。則其戚串必已起牀。亦未為太早。顧赴城必向北行。今轉而向南。南僅有一小市。曰玉鎮。距此一里有奇。若以此時往。早甚。由玉鎮而南。三十里間。無市集。且有大河橫亘之。脫不赴玉鎮。更向何處去耶。且鄉人擔物。恆以扁擔。今不用扁擔。而用門門。寧非大異。以意度之。知必為竊賊無疑。顧竊賊見人必狂奔。今乃徐徐以行。速度僅與船埒。豈遲遲以待追捕者之至耶。故又似不得以竊賊目之。然余

好事姑往盤詰之。因命船仍向前行。而已則一躍登岸。躡足於其人之後。迨行半里許。始就詢之。聆其音。蓋一驢子也。一下流社會呼湘人之服軍役者曰湖南驢子。或簡曰驢子。自言姓李名得勝。服務於火藥局。為駐防卒。局在玉鎮之北三里。今晨以三時半起。尋食就道。故僅行至此耳。余曰。將何之。曰。赴錫。曰。何所事。曰。今日太夫人之戚串壽。老爺命我將禮物去耳。余曰。貴上老爺之令親在錫乎。曰。然。余復諦視其色。曰。此去錫遠。步行詎勿憊。思船乎。李曰。固所願也。特老爺待余曹至刻。未予舟資。故不得不苦吾兩腿。余曰。余亦赴錫。正苦無侶。因指河中曰。是即吾舟。脫君不鄙余。則此舟正可便道載君以去。不勞破費分文也。李曰。謝君高誼。敢不謹遵。余曰。我輩同是箇中人。詎足云謝。李聆是言。面露驚惶色。余不禁竊喜曰。得之矣。顧李色頃刻萬變。旋乃由驚惶一變而為自喜之態。余遂轉覺如在五里霧中。然既得之。詎可失之。即呼船夥曰。泊。船夥即架跳板。渡余及李登舟。就艙中坐。仍促舟前行。時余徒鄭七已起。方就盥。鄭饒有力。余捕盜必需之。至是。余既有所恃。心乃彌決。即以眼色授鄭。囑為戒備。逮鄭整飭訖。余乃厲聲叱李曰。若識我老王其人否。李戰慄曰。亦嘗聞之。余曰。既聞之。則速告我。老娘一切語言色裏也。中何所有。否則不爾貸。李曰。壽禮耳。寧有他。余嗤曰。哼。使為壽禮。可割我頭。鄭七為我解之。鄭解色。則其中固繫繫然之皮子（切語謂衣服也）也。綜計約十五六襲。新舊不一。且製作絕拙。類鄉

人所服用者。余乃一一為之檢點。則除一寬大之簑衣大蓬子（切語謂皮袍）一緞四脚子（四脚子謂馬褂）一婦人所用之穿心子（背心）外。幾無值錢者。甲包之底。有火燒寶塔一對（切語謂燭臺）乙包之底。則有滿天星一（脚爐）啟爐中有古式之叫機子一（錄）餘皆敗絮。估其全值。不滿十元。余因謂李曰。如何。此豈壽禮耶。然李之態度。殊出人意表。余初意湘人性剛勁。當解包時。必起與鄭鬪。乃不出此。而惟涕泣向余。抑若為余老王二字所懾者。然其表面雖涕泣。而窺其隱衷。又若深以為幸。此誠余百思不得其所以然也。無已。姑問之曰。若仍狡賴乎。曰。何敢。但求寬恕耳。余曰。實告我。若賢良（切語謂賊之師）何人。彼茫然不之解。已而若有所晤。囁嚅答曰。無之。余曰。毋狡。天下寧有無師自通竊術者。李曰。誠無。我本吃糧（下流社會謂從軍為吃糧）特為窮所窘。負債纍纍。不得已而為此。思作捲逃計。初不料竟為君識破也。余曰。是亦在理。特竊自何時。昨晚之燈花把乎。抑今晨之露水把乎。一切語謂傍晚行竊。曰。燈花把。清晨行竊。曰。露水把。李曰。皆非也。得自午夜。余曰。在何處。曰。閘口某鄉人家。余思閘口距城十里。距玉鎮亦十里。午夜行竊。破曉而至此。是亦近情。可不深究。即曰。若囊中尚何有。有則速畀我。毋勞若翁洗山頭（洗山頭。搜查身畔也）李乃罄其衣囊向余曰。無矣。余審視之。果無矣。因命鄭七帶線（切語謂以黑索羈人。曰帶線）李亦弗忤。惟涕泣求免。且言係初次作竊。

後當永以為戒。余領之時舟已抵玉鎮。

老王言至此。掀其蟹爪狀之短髯而微笑。舟中人咸鼓掌曰。老王能。老王能。老王殊自喜。力吸其烟斗。噓氣如雲。特余（作者自稱）頗不了了。因就詢之曰。臧怒無先容。小子欲有所詢。可乎。王以其冷俊之目睨余曰。奚不可。余曰。臧初以李為鄉人。度彼為賊。所料誠是。小子亦聞命矣。顧料鄉人者。必不可以料湘人。臧既知李為湘人。又何從知其為賊。又何從知其必為賊。是必有說。蓋教我王笑曰。君書生矣。解事。然所問亦有理。可明言之。余閱湘人多。知其性絕狡。設官長命卒弁負重行遠。物重三五十斤者。必用兩人扛之。且沿途呼叫不已。藉顯其重。以博官長歡。冀領厚賞。設物在六七十斤外。必用四人。此湘人之通性也。今李之物重可六七十斤。一人擔之。可決其必非壽禮。更可決其必非官長之物。然則開小差（下流社會謂兵卒私逃曰開小差）乎。則世際承平。非其時也。且開小差。必自所部出發。軍中扛物。恆用竹槓。使果為開小差。胡不用竹槓而用門門。此非大有可疑耶。吾儕業緝捕者。他種能力誠非所有。而面貌之觀察力。萬非通人所能及。喜怒哀樂之情。發乎中而形於外。此通人之所知。然泛論也。若細辨之。則喜之一種。已可分為二十餘類。若怒若哀若樂。亦莫不如之。故一面之大。不足方尺。而輾轉變化。竟不知其有若干種。毫釐千里。非積有經驗者。不足以窺其秘。若欲竟吾之說。非編一部教科書不可。余觀李之行色。忽

促如是。其所負之物。又不倫如是。更加以面目上之觀察。知其必為竊賊無疑。故先誘彼登舟。以防其逸。更用老王二字以懾之。孰知果不出所料也。王語竟。余恍然悟。因問曰。案止此乎。殊簡單也。王曰。寧止是勿急。請續吾言。

時余猶未早餐。既抵玉鎮。急欲謀一飽。因命鄭七守船。船本無所守。今以李在。不得不防範。苦鄭七矣。余登岸。入一素棧之漢朝陽子（黠心店）店主欣欣然命其夥曰。老王來矣。速為之紅臉。（切語謂飲酒曰紅臉。然常借作他用。如流氓向人敲詐。亦曰若為我紅臉。則釋汝。蓋所詐無多。僅供酒資足矣。）蓋余每年來往玉鎮。至少亦五六十起。且每過必就此店食。以是店主人頗識余。而杯中物尤為余所嗜。故不待余命。彼即舉以奉饗也。時朝曦微上。鄉下老農咸麇集於對街之茶肆。手各宜興紫砂茶壺。一聞有携四尺許之長旱烟管者。笑談農事。怡然自得。若我之終歲奔波。與盜賊奸徒為伍者。縱多金而苦樂霄壤矣。余食未半。余徒蔣升喘息至。謂余曰。歸休歸休。業料師固在是也。語既就桌旁坐。額際汗猶涔涔下。余曰。胡急至此。早食也未。蔣曰。歸耳。奚暇早食。余曰。若自何來。究何所事。蔣曰。來自城。昨晚張紳家盜云。可劫去二千金。茲盜已遠颺。縣令追捕急。脫師不歸。余儕屁股且打爛矣。余曰。追捕縱急。亦未必急至此。去錫而歸。未為晚也。蔣情急曰。是惡可。師不云乎。將去錫十日耶。張紳之權勢絕大。可左右縣令。如老爺之使小的。今晨縣令聞命。已慌急如瘋。恐

此案不破。則彼之上品頭銜。亦將隨之以去。張紳之權。誠足以畏縣令。縣令之威。更足以嚇我輩。師如不歸。盜可逍遙法外。為盜計則誠得。其如我輩父母所遺之屁股。何。余曰。歸矣。毋多言。小子遇一案。便不知所措。將來何堪獨力任緝捕耶。遂解纜返城。

舟行十里。抵閘口。計已十時。適命稍泊。俾鄭將登岸就食。且命彼等携燒餅來船以享。李語有之。殺罪如罪無餓罪。余今捕李。分文無所得。轉乃令我挖腰包。余誠愚甚。然余此時之心緒。已不在李而悉注於盜。顧蔣升所述盜況。又復不詳。余雖假設種種方面之冥想。竟不得端緒。亦姑置之而已。無何。鄭將至。並偕一鄉老來。鄭欣然曰。案有著矣。余曰。若已捕得盜來耶。彼僮豈盜耶。殊不類。鄭啞然笑曰。師誤會矣。余所謂案。乃指李之竊案。此老特來領贓耳。余即謂鄉老曰。若失竊者耶。曰然。曰以何時竊。曰晨間。曰所竊為何。鄉人一一背誦。與包中物絲毫無誤。余曰。贓在是。可將去。鄉老欣然。亟稱余能。且謂異日來城。當以雄雞竹筍為余壽。余笑謝之。鄉老又問曰。捕得竊賊未。余指李曰。彼朝珠（切語謂鐵索也）。瑯璫者非耶。曰將何以處之。余曰。薄懲耳。豈必欲定殺頭罪耶。鄉老諾。遂挈其兩包登岸而去。

既抵城。余先往見典史。典史之司在賊。故有賊頭（俗稱賊頭典史）一名。是任典史為浙江陳公人。頗無能。余雖執役賤。彼以仰仗於余力者正多。故恆不敢拂吾意。人

謂陳典史以翁禮事老王。其言雖謔而虐。然非過當也。既見余。即以李交之。彼乃衣冠升堂。畧詰李數語。即斥其虎狼之吏。言至此止。余啞然笑曰。其吏誠虎狼。然則叟亦虎狼之流亞歟。老王亦笑曰。寧止此。使天下之為捕快者。盡如我老王。則舉凡狡如鼠。毒如蛇。饑如鷹。殘如豺者。可無噍類矣。余之毒。詎虎狼所能及。余曰。叟誠可為善辯矣。雖然。彼斥吏又胡為。王曰。寧有他。充其權之所及。不過笞李二百。判荷木枷一月。即此了案。余曰。案即此了乎。殊未能饜我之望。王曰。勿急勿急。雖然。我渴矣。君能飲我茶乎。余曰。茶將安得。幸余携有水菓來。差可報命。即以香蕉數枚予之。王喜極稱謝。立啖其三。且曰。余齒脫落矣。使為別種菓物。余且無福消受也。余領之。因請贖其說。

老王曰。李案既了。余乃悉心從事以探盜。先遣鄭蔣二人去。囑為探聽。期以有警則來報。顧余明知二人為傀儡。此去必無成。其所以遣去之者。非欲藉以為助也。特以往來相從。徒費心神。抑且惹人注目。故毅然去之。既去。余先往謁張紳。張降階相迎。欣欣然為余述盜事。此輩平日氣餒。不可逼近。「混帳」「該死」「拿片子送辦」等俚語。幾無一刻不出諸口。其視我輩誠奴婢犬彘之不若。今乃一易其往常之面目。口脛者。無他。有所求也。顧所求於余者。良細。而業已如是。則所求之較大者。不將吮癰舐痔耶。我輩之業。彼輩輒斥為賤業。而不屑為。彼輩之吮癰舐痔。我輩操業。

縱賤亦將斥為更賤而不屑為我之所屑。人不屑之。我所不屑。而人轉乃屑之。可見人情好惡各有不同也。時余問張紳曰。案失究若干。開係二千。確乎。張曰。詎止是。綜計約可萬餘金。其言萬字也。聲尤高大。一若加一英文中之一阿克生脫一者。守財虜之醜態。誠可哂也。余（作者自謂）曰。叟亦知英文乎。曰。非所知也。特聞諸街頭之時髦學生。彼輩讀西文甫三月也。司與兜來之聲浪。便滔滔不絕。我乃得乘間竊得數語耳。誠所謂西瓜大的字。不足一擔也。雖然。彼被余竊之學生。其量亦僅斗筲。使余竊較多。恐充其所學。猶不能廢余之賊心。余曰。叟語殊俊謔。羞殺學生矣。特張紳又如何。王曰。張紳曰。盜以昨夜來。計其時約一點許。時家人均已熟睡。故不知其何以入室。兩點時。余便急提飲器就溺。忽聞余次媳房中有厲響。心知有異。急呼夫而底下人乃均熟睡如死鼠。莫之或應。余膽素怯。而又無力。故除號呼外。幾手足無所措。旋聞屋際瓦聲軋軋然。而盜去矣。余曰。時爾媳在室不。曰。余媳以昨晨歸甯。傍晚未返。余曰。往常亦如是乎。曰。常事耳。彼歸甯時。從無當日即歸者。或一宿。或二宿。時且勾留十餘日不等。余曰。然則爾子何往。曰。彼終歲旅寧。歸家時。年不兼旬也。余曰。爾以何時檢查房中。曰。盜去後。余方敢督率婢僕進房。檢查房中各物。井次依然。一若未被盜者。余曰。然則爾何以知其所失為鉅萬。曰。方檢查時。鐘已三點。余即一面遣人召縣令。一面飭轎役接余媳歸。媳至。知盜去小皮箱一。中有珍珠頭面及鑽。



丁悚



石戒指若干。其值約在萬金外。其細目。余不得而知。脫君欲知之。余媳當能為君言之。鑿鑿也。余曰。此非余所急欲知者。特爾媳歸時。究作何狀。曰。惶急耳。悲怨耳。憤恨耳。寧有他。余曰。然。然。彼平時安分乎。張忽變色。向余曰。余延汝探盜。非延汝探媳。媳之如何。豈爾所當問。余曰。請君平氣。余突為此問。誠屬失當。然天下事。往往出人意表。故業捕探者。苟心有所疑。必直言細問。不事諱飾。今君既不願我發此問。取消之。可已。張無言。余又曰。案情余已聞命矣。然此不過一尋常之竊案耳。胡足云盜。張曰。彼尚殺一人。詎非盜。余愕然曰。殺人耶。曷不早言。所殺為誰。張曰。婢子耳。現尚委屍後門之外。余曰。縣官知也未。張曰。四點半時。縣官聞命來。已命仵作相驗。證明確係傷死無誤。縣官云。無任屍身易地。俾留供老王之探察。今屍尚在原處。爾欲一見之乎。余曰。善。因由廳事而進。曲折歷門十餘重。乃至後門。門外草叢中。一女屍橫卧。距門約可五六丈。余檢尸。知係腰間一刀致命。傷痕寬寸許。而畧圓。深可三寸。因知所用之刀。必係一種小包。一切語。謂匪類隨身所帶之匕首。曰小包。又手鎗曰噴筒。刀既入肉。行兇者復用力旋轉之。乃成此慘象。屍之面部。有指爪之傷痕甚多。全身復有青腫之拳傷脚傷。可知未死之前。格鬪必極猛烈。去屍約十餘步。草均折斷。倒地。似被踐踏者。想必夜來格鬪場也。張紳謂余曰。此女名玉桂。即死於此處。未移咫尺。余曰。信乎。則案有著矣。張曰。爾已知盜之所在乎。余笑曰。尚未。尚未。特知其崖畧。

耳。此時尚不必明言。張亦不固詰。余復檢查屍之衣服等。均了無他異。遂偕張紳返其廳事。行經一廂房。張曰。此即余之臥室。更指其東首之一室。曰。此余媳所居。余亦一一探察之。均無可使偵緝之價值。既抵廳事。余復問張曰。爾知盜數約幾何。曰。朦朧間。余不能辨。然屋上瓦聲。殊不複雜。以意度之。必僅一盜。設有多盜。亦必在屋外為外應。爾意云何。余曰。誠然。特爾對於此案。有無見地。曰。有之。行兇者。必係往來我家之熟人。否則何以能知余媳房中有貴重品。且他物均井井。獨携皮箱去。尤非熟人不辦。余曰。所見殊不謬。顧爾有可疑之人不。曰。有之。阿升是。余曰。阿升為誰。曰。余僕。曰。今何在。曰。逸矣。曰。以何時逸。曰。阿升事余久。計已可八年。恆終歲不假。假亦不盈日。昨晨忽向余請假期。以越宿即歸。余許之。而盜案即發現。於是夜。因知阿升必為盜無疑。即未必躬自越屋殺人。亦必為是案之主謀。余曰。或然。然亦未必盡然。抑更有問者。爾何以知玉桂被殺。張曰。盜去。余率婢僕檢查余宅。室人均起。獨不見玉桂。轉輾尋覓。乃得之於門外。時體猶溫也。然已無救矣。余曰。時後門關乎。抑闔耶。曰。由玉桂之室。以達後門。各門洞啟矣。余曰。爾意玉桂為何如人。曰。忠實可憐之柔弱女子也。余曰。何以知之。曰。彼幼即來余家。服務已十二年有半。所事悉能慚人意。即加以呵斥。亦笑受無忤容。余曰。可憐哉。殺好人矣。雖然。爾料彼如何被殺。張曰。余料彼必以愛主故。奮身追盜。故為盜所害。余曰。似亦近情。特彼以一柔弱之女子。追盜

時。余料必呼喚以自壯其膽。爾聞呼聲不曰未之聞。曰聞啟門聲否。曰亦未。余曰然則彼在逃之阿升。與玉桂有嫌乎。曰非特無嫌。且交好頗篤。上月杪。阿升囑人向余言。欲娶玉桂為妻。余以阿升誠且婢長必嫁。否則轉多曖昧事。因許之。且約以二月後合卺。時阿升喜極而躍。玉桂亦喜形於面。孰意阿升不良。竟殺玉桂。人心險詐。百出。誠非余所逆料也。余曰。既有此層關係。則全案轉覺茫然矣。張曰。誠然。無論如何。阿升必為此案中之一人。爾信乎。余曰。余暫不作如是想。且願爾亦不作如是想。張曰。爾意如何。余曰。毫無梗概。特殺玉桂者。未必即阿升。余儕查緝案件時。於未得證據之前。不宜以盜名加諸人。連證據既得。則殺之。則殺之。其權固操在我也。故使阿升而歸。張不俟余語畢。即曰。爾太戇矣。阿升既殺人。豈復再歸。余曰。勿言殺人。勿言殺人。阿升未必即殺人者。爾果自信阿升為殺人人。此案即由爾自辦。余請告辭。以爾之權。未嘗不可嗾使縣令。備種種酷刑於阿升之一身。死一阿升。詎復足惜。脫爾果欲余置身於此案之間。則人也。贓也。遲早當有以報命。此非余為阿升庇護也。良以草菅人命者。乃尋常劣等緝捕之所為。老王不為也。今與爾約。萬一阿升歸來。萬勿以盜目之。私刑拷問。尤非余所願。張曰。當何以處置之。余曰。遣密使喚我可耳。張曰。如約。余曰。脫破此約。余莫能為力矣。遂出。

謁縣令。令正閤坐上房。見余至。殷勤以探盜事相囑。且言設此案而不能水落石出。